

162

7. des.

S A M Þ Y K K T I R

fyrir Sparisjóð Kaldrananeshrepps.

1. gr.

Sjóðurinn heitir Sparisjóður Kaldrananeshrepps og er eign Kaldrananeshrepps í Strandasýslu. Heimili og varnarþing er í Kaldrananeshreppi.

2. gr.

Trygging fyrir innstæðufé og öðrum kröfum á sjóðinn er:

1. Varasjóður sjóðsins og aðrar eignir hans.
2. Þá ábyrgist Kaldrananeshreppur skuldbindingar sjóðsins, þó aldrei yfir 5000 — fimm þúsund — krónur.

3. gr.

Sparisjóðurinn starfar sem sjálfstæð stofnun með sérskildum fjárhag og leggst ágóði sá, sem kann að verða á rekstri hans, í varasjóð. Þegar landslög leyfa og ástæður eru til, má verja fé úr varasjóði til menningarmála og nytsemdarfyrirtækja í Kaldrananeshreppi, ef ákvörðun um það er samþykkt af meiri hluta stjórnar sjóðsins, enda komi samþykki ráðuneytisins til. Hætti sjóðurinn störfum, skal verja eignum hans á sama hátt.

4. gr.

Stjórn sjóðsins skipa þrír menn. Skal einn þeirra kosinn af hreppsnefnd Kaldrananeshrepps, annar af starfandi stjórn sjóðsins og hinn þriðji af sýslunefnd Strandasýslu. Kosning stjórnar gildir til fjögurra ára. Varamenn skulu kosnir af sömu aðilum og gildir kosning þeirra einnig í fjögur ár.

5. gr.

Stjórn sjóðsins heldur aðalfund fyrir apríllök ár hvert. Er hann því aðeins lögmætur, að allir meðlimir stjórnarinnar séu mættir, en samþykktir allar gilda, sem ná meiri hluta atkvæða. Breytingar á samþykktum sjóðsins ná þó ekki gildi fyrr en þær hafa verið samþykktar af hreppsnefnd Kaldrananeshrepps og staðfestar af ráðuneytinu.

Á almennum hreppsfundi í apríl ár hvert skulu endurskoðaðir reikningar sjóðsins lagðir fram til samþykktar, ákveðin vaxtakjör sjóðsins á komandi ári, þóknun til stjórnar og endurskoðenda og málefni sjóðsins eftir því sem ástæður þykja til.

6. gr.

Um kosningu endurskoðenda fer eftir því, sem landslög mæla fyrir.

7. gr.

Stjórnin kýs sér formann, ræður starfsmenn sjóðsins og setur þeim starfsreglur, sér um að bókhald sé glögg og í samræmi við gildandi fyrirmæli og að fjárreiður sparisjóðsins sé alltaf í góðu lagi.

Deyi stjórnarnefndarmaður eða flytji burt úr hreppnum, tekur varamaður sæti hans.

Stjórn og starfsmenn mega ekki taka lán úr sjóðnum eða ábyrgjast þau fyrir aðra.

8. gr.

Sparisjóðurinn tekur á móti innlánsfé og ávaxtar það. Vextir greiðast frá innleggsdegi og færast í viðskiptabækur um hver áramót.

Nýir innleggjendur fá löggilta viðskiptabók með númeri og nafni fyrir sann- 162
gjarnt verð, þegar þeir byrja viðskiptin. Skila skulu þeir bókinni, þegar hún er út- 7. des.
skrifuð og fá þeir þá nýja bók ókeypis, ef þeir halda viðskiptum áfram. Þegar við-
skiptum er lokið, verður bókin ógild og eign sjóðsins. Sparisjóðurinn áskilur sér
rélt til að neita að taka á móti innstæðufé, svo og að segja því upp til útborgunar,
en það skal jafnan gert með ábyrgðarbréfi. Hefur stjórn sjóðsins um þetta úrskurð-
arvald. Innstæðufé í sparisjóðsbókum skal greiða þá viðskiptabók er framvísað, og
er það ekki á ábyrgð sjóðsins, þó handhafi bókarinnar hafi ekki leyfi eiganda hennar,
sbr. þó síðustu málsgrein 10. gr. laga nr. 69 frá 1941.

Fyrirvaralaust er sparisjóðurinn ekki skyldur til að greiða út hærri upphæð en
500 krónur úr hverri bók. 1000 króna upphæð er ekki skylt að greiða út nema með
eins mánaðar fyrirvara. Án tveggja mánaða fyrirvara er eigi skylt að greiða meira
en 1000 kr. á mánuði hverjum úr sömu viðskiptabók.

9. gr.

Sparisjóðurinn lánar fé gegn vöxtum og góðum tryggingum Vextir greiðast fyrir
fram af víxlum, en af föstum lánum skal gjalddagi vaxta og afborgana vera 1. nóv-
ember ár hvert.

Dragist vaxtagreiðslur fram yfir gjalddaga, greiði skuldunautur 1% árlega
dráttarvexti um þann tíma, sem dregið hefur að borga fram yfir gjalddaga.

10. gr.

Kvittanir og aðrar yfirlýsingar, sem gefnar eru út í nafni sjóðsins af formanni
hans eða féhirði, eru skuldbindandi fyrir sjóðinn gagnvart viðskiptamönnum hans.

11. gr.

Upplýsingar um innstæður viðskiptamanna verða ekki gefnar óviðkomandi,
nema skylt sé að lögum.

12. gr.

Ef eigandi að innstæðufé eða erfingjar hans vitja eigi sjóðsins í 15 ár, til að
laka við vöxtum eða segja upp höfuðstól, og eigi heldur innan 5 mánaða eftir áskor-
un í blaði því, er flytur stjórnarvaldaauglýsingar, er öll innstæðan ásamt vöxtum
orðin eign sparisjóðsins.

Allar fundargerðir um sparisjóðsmál skal færa greinilega í gerðabók spari-
sjóðsins.

13. gr.

Um þau atriði, sem ekki eru tæmandi ákvæði í samþykktum þessum, fer sem
fyrir er mælt í gildandi landslögum og reglugerðum um sparisjóði, eins og þau og
þær verða á hverjum tíma. Skulu lög þessi og reglugerðir jafnan liggja í skrifstofu
sjóðsins til athugunar.

Framanskráðar samþykktir staðfestast hér með.

Viðskiptamálaráðuneytið, 7. desember 1948.

Emil Jónsson.

Þórhallur Ásgeirsson.